

# **Suliffeqarfiit cannabisimit nioqqtissanik 0,2 % ataallugu tetrahydrocannabinolmik akulimmik eqquassinissamut qinnuteqarneranni qinnuteqarnissamut immersugassamut ilitsersuut**

Naasunit cannabisinik nakorsaasianik, 0,2 % ataallugu tetrahydrocannabinolmik (THC) akulimmik eqquassinermut atatillugu suliffeqarfiit akuersissummik qinnuteqarnissaannut tunngatillugu immersugassaq qanoq immersorneqassanersoq ilitsersuummi matumani allaaserineqarpoq. Qinnuteqarnissamut immersugassaq [Nunatta Nakorsaaneqarfiata nittartagaaniippoq](#).

Naasunit nakorsaasianik cannabisimit nioqqtissanik 0,2%-imik THC-mik akulimmik eqquassinissamut atatillugu suliffeqarfiit akuersissummik qinnuteqarnissaannut tunngatillugu qinnuteqarnissamut immersugassaq immikkoortunut tallimanut avinneqarsimavoq:

- Qinnuteqaatip suussusaa,
- qinnuteqaatip nassuiaataa,
- nioqqtissiat pillugit paasissutissat,
- suliffeqarfik pillugu paasissutissat kiisalu aqutsisoq akisussaasoq,
- akuersineq atsiorterlu,

***Malugiuk qinnuteqarnissamut immersugassami immikkoortut tamaasa immersorneqartuaannassammata. Tamatumani apeqqutaangilaq nutaamik akuersissummik pinissamut imaluunniit akuersissutaareersup allanngortinnissaanut qinnuteqarnerunersoq.***

## **Qinnuteqaatip suussusaa**

Nalunaarsuiffissami siullermi qinnuteqarnermi pingaarnertut siunertaq qinnuteqartup nalunaarsussavaa, tassa qinnuteqaat nutaamik qinnuteqarnerunersoq, akuersissutaareersumik allannguinerunersoq, akuersissutaareersumik sivitsuinerunersoq imaluunniit akuersissutaareersumik atorunnaarsitsinerunersoq.

Suliffeqarfinnut akuersissutit tamarmik assigiinngitsunik journalnormulerneqartarput. Akuersissutaareersunik allannguinermi journalnormu allanneqassaaq.

## **Qinnuteqaatip nassuiarnera**

Qulequttap matuma ataani qinnuteqaat sumut tunnganersoq itisilerneqassaaq. Immikkoortumi tulliuuttumi allaffissami qinnuteqaat allaaserineqarsinnaavoq. Naasunit nakorsaasianik, 0,2% ataallugu THC-mik akulimmik, tassungalugu ilanngullugit sulianik aalajangersimasunik, siunertamat,

suliffeqarfimmi pissutsinut, piffissalersuinermit, misilittakkanut allanulluunniit attuumassuteqartunut tunngatillugu eqquassinissamut qinnuteqartoq nalinginnaasumik nassuiaateqarsinnaavoq. Qinnuteqaat immikkuullarissutut nalilerneqarpat allakkat ilaliussat kakkiunnissaat iluaqutaassaaq, tassani pissutsit attuumassutillit qinnuteqarnissamut immersugassami allassimasinnaanngitsut nassuiarneqassapput .

### **Nioqqutissat pillugit paasissutissat**

Nioqqutissat suminngaanneernerinut tunngatillugu suliffeqarfik uppersaarnanermut akisussaasuvoq. Paasissutissat tullinnguuttut qinnuteqaatip suliarineqarneranut attuumassuteqarput: Nuna nioqqutissap pilersinneqarfia, nioqqutissiortup aqqa najugaalu, amerlasuunngorlugit tunisisartup najugaa aamma akuisa allattorneri, akuisa annertussusaasa allattorneri, qanoq sivisutigisumik piusinnaaneri kiisalu uninngasuuteqarnissamut atuinissamullu immikkut najoqqutassat.

### **Suliffeqarfik pillugu paasissutissat aamma aqutsisoq akisussaasoq**

Immikkoortumi matumani suliffeqarfik aamma aqutsisoq akisussaasoq pillugit paasissutissat allanneqassapput. Aqutsisoq akisussaasoq tassaavoq suliffeqarfimmi aqutsisutut akisussaaffeqartoq aamma cannabisimit nioqqutissanik 0,2% ataallugu THC-mik akulimmik eqquassinissamut akisussaasoq.

### **Akuersineq atsiorterlu**

Immikkoortumi kingullermi inuk suliffeqarfimmeersoq qinnuteqaammik atsiussaaq. Immersugassami paasissutissat eqqortuunerat atsiornikkut uppersaarnaneqassaaq. Aqutsisoq akisussaasoq qinnuteqaammik atsiortuussaaq. Cannabisimit nioqqutissanik eqquasuinermit atsiortoq inatsisitigut akisussaasuusariaqanngilaq, taamaattorli suliffeqarfik inatsisitigut akisussaasuussaaq.

Qinnuteqaammik nassiussereernermit kukkunerit amigaatilluunniit paasineqarpata qinnuteqaammi ilanngussisoqarsinnaanngilaq allanngortitsisoqarsinnaananilu. Taamaattoqartillugu paasissutissat eqqortut atorlugit nutaamik qinnuteqartoqassaaq.

### *Akuersissummik atorunnaarsitsinissamut immikkut qinnuteqaat*

Suliffeqarfiup akuersissutini atorunnaarsikkusukkuniuk suliffeqarfiup qinnuteqaat Nunatta Nakorsaaneqarfianut nassiutissavaa. Nunatsinni Nakorsaaneqarfiup qinnuteqaat suliarereerpagu aamma akuersissutit atorunnaarnera nalunaarutigippagu akuersissut aatsaat atorunnaarsinneqassaaq.

Qinnuteqartup qinnuteqarnissamut immersugassap kiisalu uppersaarnanermut attuumassuteqartut assilineri Nunatta Nakorsaaneqarfiata e-mailianut [nun@nanoq.gl](mailto:nun@nanoq.gl)-imut nassiutissavai .